

آبونه شرائطی

ممالك عثمانیه ده سنه لکی (۶۵)،
آلتی آیلنی (۳۵) غروشدور،
ممالك اجنیه ده سنه لکی (۸۰)،
آلتی آیلنی (۴۵) غروشدور.

اراره مانه

باب عالی جاده سنده دائره مخصوصه

اخطارات

آبونه بدلی پشیندر

مسلكه موافق آثار مع الممنونیه
قبول اولنور. درج ایدله بن
یازیر اعاده اولونماز.



اخطارات

رساله مزدن آلدینی کوسترک
شرطیه بتون یازیر هر هانکی بر
غزته طرفندن اقتباس اولونه بیلیر.

مکتوبلرک، امضالری واضح
واوقوناقلی اولمسی و آبونه صره
نومروسی محتوی بولمسی لازمدور.

ممالك اجنیه ایچون آبونه اولانلرک
آدرسلیرنک فرانسزجه ده یازلمسی
رجا اولنور.

یاره کوندردلکی زمان نهیه دائر
اولدیفنک واضحاً بیلدیرلمسی رجا
اولنور.

دینی، فلسفی، علمی، ادبی هفته لاق مجموعه اسلامیه در.

اتبعون اهدکم سبیل الرشاد

صاحب و مدیر مسئول
اشرف ادیب

باش محرر
محمد عاکف

والله یهدی من یشاء الی صراط مستقیم

عدد ۳۵۹

۲۱ ذی الحجه ۱۳۳۴

پنجشنبه

۶ تشرین اول ۱۳۳۲

جلد ۱۴

مداخلات :

خلافت اسلامیہ

۱
ماٹن غزٹ سٹنک ۱۰ تشرین ثانی ۱۹۱۵ تاریخلی نسخہ سندنہ
« اسلام و حرب » عنوانلی بر مقاله کورولدی . بو مقالہ لک محرری
فرانسزلرک عمومیتلہ عالم اسلامہ وبالخاصہ دولت عثمانیہ عائد شئونہ
قارشی نہ قدر جاہل اولدقلری ؛ کندی ملتارندن ماعداسی حقندہ
نہ درجہ لردہ حیلہ و خدعہ ایلہ حرکت ایتک فطرتندہ بولوندقلری
تمامیلہ کوستردکن ماعداء فرانسہ حکومتک عالم اسلامہ قارشی اتحاد
ایتدیکی بو مجنونانہ سیاستہ سوک نفسہ قدر دوام ایدہ جکئی صراحتہ
بیلدیریور .

بز بورادہ اولا خلیفہ مسلمین ایلہ عالم اسلامہ عائد بر حقیقتی
شرح ایتدکدن صوکرآ ، موضوع بحثمز اولان مقالہ یه رجوع
ایلہ جہان اسلام حقندہ احتوا ایلدیکی جہالتی ، تزویری بیان
ایدہ جکیز .

ذیلینہ مسلمینک بر عالمہ کی وظیفہ سی

خلیفہ مسلمینک دنیادہ کی وظیفہ سی علیہ الصلوٰۃ والسلام افندیوزک
من طرف الله تبلیغہ مأمور بولوندقلری احکام جلیلہ لک اقامہ سندنہ
عبارتدرکہ اولردہ ذات باری یی توحید ایلہ عبودیتک آنجوق اوکا
حصری ؛ عقولک فلسفہ صحیحہ یه اعلاسی ایلہ بشری مخلوقادن ہرہانکی
برینی معبود اتحادینہ سوق ایدہ جک ہردرلو فلسفہ کاذبہ دن تطہیری ؛
اخلاقک تہذیبی ؛ نفوس ناطقہ لک مدارج شرف و کمالہ اصعادی ؛
ہردرلو اخلاق سافلہ دن تہذیبی ؛ انسانیتک ، افراد آرد سندنہ کی تعاون
وارتباطی کمال صفوت و امنیت ایلہ تأمین ایدہ جک بر صورتہ تربیہ سی ؛
رسائل ثروتک انصاف ، قناعت ، صداقت ، کذب و طمعدن محاببت
اساسلری اوزرینہ مبنی بولونان مشروع طریقہ لہ تأمین ؛ عدالتک
تمامیلہ اقامہ سی ، حق صاحبیلرینہ حقزلرینک اعطاسی ؛ بویوک ، کوچوک ،
اقربا ، یابانجی ، دوست ، دشمن سچیلہ یه رک ظالمہ مظلوم آرد سندنہ
لازمہ عدلک ایفاسی ؛ بوتون علوم و فنونک تأمین ترقیسی ؛ شئون
ملتک کمال اخلاص و انتباء ایلہ ادارہ سی ؛ طاقت بشر داخلندہ بولونان
بوتون وسائلہ مراجعتلہ ہردرلو حادثاتہ قارشی حاضر بولونولسی ؛
کرۂ ارضک ہر طرفندہ کی مسلمانلرک ہر ایک دنیادہ کی سعادت کی کافل
اولان رایت محمدیہ لک ظل ظلیل آلتندہ جمع و توحیدی ؛ عالم اسلام
ایلہ صمیمیت و صفوت دائرہ سندنہ متحد اولوق ایستہیلرلہ اخلاص
و امنیت اساسلری داخلندہ اتحاد تأسیسی ؛ و بوضورتلہ ہم مسلمانلر ،
ہم متفقلری ایچون جلب منافع و دفع مفاسد اساسلری اوزرندہ تعاون

پرہیز نامہ پینیر اکمکہ یاتمشاردہ - فضلہ یلک ییہ مدکلرندن دولای
عافیتلرینہ حاکم اولان - فقیرلرک حالہ ایمرہ نیورلر !

کیمیسی ناز و نعیمک افراطی بی تاب دوشورمش ؛ کیتسی ،
کلیسی ، یاتمہ سی ، قالمہ سی بر سور و وسائلک خدمتیلہ اولدینی ایچون
وجودک الکی بویوک ، الکفائتہ لی ریاضتارندن اولان حرکتدن بوسبوتون
کسیلمش ؛ مفصللردہ رسوبلر حصولہ کلیسی ، قانک دامارلردہ لایقیلہ
جولان ایدہ مہمسی ، ال آباق کی مرکز دوراندن اوزاقدہ بولنان
عضولرک نصابی قدر قان آلہ مامسی ، بنیہ لک قالین بر شحم طبقہ سنہ
کومولسی کی عارضہ لری ایچندہ بیزار اولوب طورویور . ایشی کوچی
طیبیلرک رأینی صورمقدن ، اجزاخانہ لری بوشالتقدن عبارت . ثروتک
قسم اعظمی بوخستہ لقلرک ازالہ سنہ عائد تدابیرہ کیدیور . مع مافیہ
مراجعت ایتدیکی بوتون وسائلہ صحیحہ یه رغما موجودیتی صارمش اولان
آلام واسقامدن ہردرلو صیریلہ میور . عمری دائمی بر احتیاط ، حیاتی
مؤبد بر شکایت . الک خفیف برشیدن فنا حالہ متأثر ، ہوانک الک
اوافق برتبدلندن سوک درجہ دہ متاڈی اولیور . حرارت ، برودت ،
رطوبت ، یبوست کی تغیرات جویہ ؛ روزکارک حرکتی ، باخود
سکونی کی تبدلات ہوائیہ بوزواللینک مفاصلندہ ، احشاسندنہ ،
اعصابندنہ ، عضلاتندنہ باشقہ باشقہ تأثرلر اویاندیریور . حال بویوک
اوبر طرفندہ ، کندی یاغلریلہ آنجوق قاورولہ بیلن ، فقیرلر معیشتلری
ایجابی ہردرلو شدائدہ مقاومت ملکہ سنی قازانمش اولدقلری ایچون
محیط خارجینک بوتون تقلباتنہ قارشی طورویورلر . ناز و نعیم ایچندہ
یاشایان ارباب ثروتی بریغین آلدادیجی تدبیرلہ مراجعت اضطرارندنہ
براقان امراض واسقامک ہان ہیچ بری بولنری ایشلرندنہ ، کوچلرندنہ
آلیقویہ میور .

کیدیکیزدہ ہردرلو اسباب استراحتہ کومولش بوزنکیلری
آنجوق سوبیلہ تیکیز . کورہ جکسگیزکہ ؛ بسیط بر معیشت ایچندہ
یاشامانلرک متعم بولوندقلری عافیہ مقابل بوتون ماملکارینی فداہ
بیک جان ایلہ راضیدرلر .

او حالہ طبیعی ذرکہ بوطبقہ یی تشکیل ایدن افرادک نظرندہ سعادت
نامنی و یردیکمز ماہیت ، کونا کون آلام ایلہ محاط اولان شونعمتدن
عبارت دکل ؛ بلکہ - یاوان اکمک ییوب کیجہ لی کوندوزلی چالیشمق بہاسنہ
مال اولسہ بیلہ - نعمت سچندنہ ، نعمت عافیتدن نصیبہ دار اولمقدن . « [۱]

عبدالعزیز چاویش

مترجمی : محمد عاکف

[۱] بوغریلی قادیانک اوروپا حیات اجتماعیہ سی حقندہ ک غایت مہم بیانات
متباقیہ سی صیرہ ایلہ برفاج ، نسخہ مزی اشغال ایدہ جکدر .

تأ مینی و طرفین آرمه سنده انصاف ، صداقت ، امانت شرط برینه رعایت ایدیلک اوزره منافع متقابلہ تک ادامه جریانی ؛ بوتون عالم اسلامه ، یاخود جماعت اسلامیه دن برینه قارشی فنالق ایتک ایسته یئرله حزب اعلانی کبی خصوصاتدن عبارتدر .

عالم اسلامک خلیفه بر قارشی وظیفه سی

عالم اسلامک خلیفه بر قارشی اولان وظیفه سنه کلنجه افراد مسلمیندن هر فردک خلیفه مشارالیه طرفدن یوقاروده ذکر ایدیلکمز وظائف دائره سنده اولق اوزره اصدار اولونه حق بالجمله اوامر و نواهی به اطاعتده بولونمقدن عبارتدر ، که او وظائف علیه الصلوة والسلام افندیتمزک من قبل الله تبلیغ بویوردینی شریعت غرائک مضمونندن ، کتاب اللهک مضمونندن ، اوامر و نواهی الهیه تک مضمونندن باشقه برشی دکدر . بناء علیه بر فرد مسلم خلیفه به اطاعت ایتکله الله ، رسول الله و مؤمنین آرمه سندن ولی الامر اولان ذاته اطاعت ایتش اولور ، که « یا ایها الذین آمنوا اطیعوا الله واطیعوا الرسول واولی الامر منکم . » قول سبحانسیله اشارت بویورولان ولی الامر اودر .

خلیفه لکک شرط اساسی

خلافت ایچون وجودی مقتضی شرطلر شونلردن عبارتدر :
(۱) عقل ، (۲) دین اسلام ایله متدین اولمسی ، (۳) امتی شریعت اسلامیه موحببنجه عمله سوق ایتشی و هیئت عمومی تک بر هیئت اسلامیه اوله بیلمسی ایچون اساسات دینییه بی محافظه ایلسی ، (۴) حقوق مسلمینی محافظه و لیدی الحاجه مدافعه به هر کسدن زیاده مقتدر اولمسی درکه بوشروط اک مهمی در . ایسته بودرت شرطی نفسنده جمع ایدن ذات ، بر حبش کوله بیله اولسه بیعت خلافته مستحق اولور . نته کیم علیه الصلوة والسلام افندیتمز « اسمعوا واطیعوا وان ولی علیکم عبد حبشی کان رأسه زبیه » بویورمشلردرکه « سزه کوجوچک قافالی بر حبش کوله بیله ولی الامر اولسه سوزلری دیکله یکنز واطاعت ایدیکنز . » دیمکدر . شاید کندیسنه بیعت اولونان ذات نشو صایدیغمز شرائطی نفسنده جمع ایتش اولان بر دیگر ذاتی خلیفه اولق اوزره توصیه ایدرسه وصیتی انفاذ ایدرک اوداته بیعت واجب اولور . ایسته امر خلافت بوضورتله متسلسلاً دوام ایدر کی ر . مکرکه متلا اختلال عقلی کبی ، یاخود دیندن چیقماق کبی برمانع ظهور ایده .

ملفای عثمانیه

خاندان آل عثمان ایچنده ایلک پادشاه اولان سلطان عثمان سلطنتی

دین اسلام اساسی اوزرینه قورمش ، کتاب الهی محافظه و موحببنجه عملی شعار ایدینمشدی . بوندن باشقه بر طرفدن شرف اسلامی اعلایه ، دیگر طرفدن متفرق بر حالده بولونان مسلمانلری بر آریه طوبیایه رق دین مینه اسکی مجد و سطوتی اعاده به کیجه لی کوندوزلی چالیشمشدی . سلطان عثمانک صلب طاهرندن کلن اولادی ده عینی اثر جلیله تبعیت ایدرک نهایت نوبت سلطنت سلطان سلیم اوله کلدی . عباسیلرک صوکه خلیفه سی المتوکل علی الله کندیسنک وظائف خلافتی ادادن ، خصوصیه او وظائفک اک مهمی بولونان حقوق اسلامی حایه دن عجزینی آکلامقله برابر سلطان سلیم اولک شرائط خلافتی تمامیه نفسنده جمع ایتش اولدیفنی کورونجه کندی عهده سنده کی بوظیفه بی طیب خاطرله اوکا تودیع ایتدی . بوندن ماعدا نزدنده کی امانات نبویه بی ده سلیم اوله ویردی . واقعا خلافتی توارث ایچون بوضورت مجبوریت شرعیه تحتده دکلدی . آنحق سلیم اول وظائف خلافتی محافظه به احق والیق اولدینی ایچون خلیفه اولمشدی . ایسته اوزماندن اعتباراً خلافت اسلامیه قانون شرعی موحببنجه آل عثمانه کجی و وصایت شرعیه طریقله بوسلاله ده تقرر ایدرک امیر المؤمنین ، خلیفه رسول امین سلطان محمد رشاد خان حضرتلرینه قدر کلدی . جناب حق خلیفه مشارالیه حضرتلرینی تأیید و شرقده کی ، هریده کی مسلمانلری رایت ظفر آلتنده جمع و توحید بویورسون . ایسته خلافت اسلامیه تک خاندان آل عثمانده تقرری بوسلیم و تسلسل شرعی سیبیل بر حکم شرعی ماهیتی اکتساب ایتدی .

بناء علیه کیم امر خلافتده نزاع چیقارماق ، یاخود خلافت ادعاسنده بولونماق ایسترسه « من فارق الجماعة اواراد ان یفرق من امة محمد وان الشیطان مع کل من فارق الجماعة یرکض » طرزنده کی امر نبوی به امتثالاً قتل ایدیلرک کلمه اسلامک تشکته میدان ویریله مسی بوتون عالم اسلام اوزرینه واجب اولور . کذلک خلیفه اعظم غازی محمد خان خامسک بوتون اوامر مشروع سنه قلباً و قالباً امتثال ایتک ، نهی ایتدیکی شیلردن مجانبته بولونماق عامه مسلمین اوزرینه واجبدر . زیرا بلا استقنا بوتون جهان اسلام هر عصرده قلباً ، قالباً بالجمله اوامر و نواهیسنده خلیفه لرینه اطاعتلرینی اظهار ایتشلر وزره ده بولونورلرسه بولونسونلر بوانقیادی کوسترمک خصوصنده هیچ بر لائیک لومندن محاشی ایتمه مشلردر .

اوت ، واقعا جماعات اسلامیه دن بعضلری ، ظالم ، مفترس دشمنلرک تحت تسلطلرنده بولوندقلری ایچون بوانقیادی بالفعل اظهار ایده میورلر . زیرا دشمن بویله بر حرکت ذاتاً بحال ویرمیور . لکن شاید اولنلرک النده وسائط مدافعه نامنه برشی بولونه حق اولسه یدی قدرتلری داخلنده بولونان هر شیئی یاپار و بوخصوصده هر درلوشداندی اقتحام ایدرلردی . نته کیم طرابلس غرب محاربه سنده کی وقایع بوسوزلرمزک شاهد عادلدر . اوت ، اوسیره ده ، افغانه ، هنده واریجه به

قدر هر طرفدن مجاهد لر گلش، دنیانك هر طرفدن اعانه لر كوند ریلشدی، كه بواغانه اشتراك ایدن لر آرمسنده هر درلو قهر واتضیق آلتیده یاشایان اوفاق اوفاق جماعتلرده واردی. يك جزئی مقدارینی سرد ایتش اولدینمز شو حقیقتلردن مقصد مركز خلافتك قیمتیله غازی محمد رشاد خان حضرتلرینك موقع معظمی حقنده قارئاره بر فکر ویرمكد.

پتمه دی

شیخ صالح الشریف

دین و دولت

یاخود

خلافت و سلطنت

- انگلیز غزنه لرینه جواب -

وقتیله مصرده انگلیزلر طرفدن نشر اولسان بر چوق مجالار وار ایدی. بونلر اكثریسی احوال و مباحث اسلامیه ایله مشغول اولیورلردی؛ دهها طوغریسی مسلمانلری مقام خلافتدن بتون بتون آیرمق صورتیه او مقام معظمك قوتی قیرمق، اسلامی ضعه دوشورمك مقصدینی تعقیب ایدیورلردی. شبهه یوق كه بواغلرینه نائل اوله بيلمك ایچون دائمًا صورت حقندن كوروئمك لازم ایدی. وقتیله اونلردن بری «جامعه اسلامیه» حقنده یازمش اولدینی مقاله ده شو سوزلری سويلشدی:

— «جامعه اسلامیه» نك وجوده كله بيلمسی دین ایله دولتی، خلافتله سلطنتی بریندن آیرمه یه متوقف در. بونلر یكدیك رندن تفریق اولدیرق خایفه رئیس روحانی؛ سلطانده رئیس سیاسی اولی، آرتیق دین ایله علاقه سی قالمادی...

انگلیز غزنه سی بونی یازدقندن صوكره، اسلام محرر لرینك ده بوبایدی فكرلرینی بیان ایتلری ایستیوردی. وقتیله فرنكلر طرفندن لغرض اورتهیه آتیلان بو فكر بعض کیمسه لر ك ذهنلرنده بر طوتدینی جهتله بز اولادین، دولت، خلافت، سلطنت لفظلرینك معنالنندن باشلا یه ر ق بالآخره بو خصوصده کی فکریمیزی سویلك ایستیوروز.

دین

دین، لغته اطاعت و انقیاد معنا سنه در. علمای اسلامیه «دین» ی شوصورتله تعریف ایدیورلر: دین، بر قانون موضوع الهی در، كه ذوی العتولی كندی اختیار و اراده لر یله، حسن رضایله حال و استقبالده صلاح و فلاح سوق ایدر؛ اونلری سعادت دنیویه و اخرویه لرینه قاروشدیرر. علمای اسلامیه كوره «دین» ك قواعد اساسیه سی اوچ شی دن عبارت در: تصحیح عقائد، تصفیة اخلاق، تهذیب اعمال. اعمالده ایکی قسم اولوب بر قسمی عبادات، بر قسمی ده معاملات در. احكام قضائیه، احكام مدنیه، احكام سیاسیه، احكام حربیه معاملات قسمنده داخل در. بناء علیه اصطلاح اسلامیده «دین» دنیوی

و اخروی بتون احكامه شامل بر معناده مستعمل در. یوقسه اوروپا اصطلاحنده اولدینی کی «دین» ایله «شریعت» باشقه باشقه معنالرده دكل در آنسیقلوپه دیده بیان اولوندیغه كوره مسیحیلرجه «دین» شو صورتله تعریف اولنیور: «انسانك جناب حقه نسبتی حفظ ایدن، یاخود اونستك صفاتی بیان ایدن قوانینك هیئت مجموعه سندن عبارت در.» كوریلیور كه دیانت نصرانیه نك امور دنیویه، احكام سیاسیه ایله علاقه سی یوق در. ذاتاً مشهور در كه: دیانت نصرانیه، منتسبلرینك هر هانگی بر حكومت و سلطنته كال خضوع ایله سرفرو ایتهاری اوزرینه منی در. چونكه انجیلده ملوك و امیرانك حكم و سلطنتی آنجق اجسام فانیه اوزرینه، دینك سلطنتی ده یالكر ارواح اوزرینه اولدینی بیان ایدیلیور. بناء علیه عمومیتله بودین اربابجه هر هانگی بر سلطنته ویون اكك، كندیلرینه حكم ایدن هر شریعته منقاد اولق و جیهه دندر.

فقط «دین اسلام» بویله دكل در: دین اسلام، سلطنت و قوت اوزرینه مؤسس و شریعتی ایله بتون طله حكم ایتك اساسنه مبتنی در. عموماً بشرینك بودین ایله متدین اولماسی بواساس اوزرینه مؤسس اولماسنه مانع دكل در. چونكه نوع انسانك كندیلكندن امت واحده حاله كله بيلمسنه یول یوق در. بوغایه، آنجق ایکی صورتله تأمین ایدیله بیلیركه اوده: رحمت اعتقاد؛ برده بتون بشریتی مساوی قیلان رحمت حكم عادل در.

بناء علیه مسلمانلره واجب اولان: كندی دینلرنده اولیان کیمسه لر ك حكم و نفوذینه، سلطنت و حكومتنه سرفرو ایتمه ك در. اجنبی بر حكومت استقلال اسلامی یی پارچالامق ایچون بر طاقم جریانلر ایقاعنه باشلا یوب بلاد اسلامی یی استیلا یه قیام ایتدی، آرتیق قادیان ارلك بتون مسلمانلر ك دشمنی یادفع و طرد ایتلری، یاخود اك صوك نفرلری نخواستولونجه یه قدر چارپشملری واجب اولور. حتی مسلمانلر ك اوزرینه ترتب ایدن و جیهه بو قدرله قلمسا؛ بر یوزندن شرك و فتنه زائل اولوب ده ناس حق بر اعتقادك، عادل بر حكمك رابطه سیله امت واحده حالنده اجتماع ایدنجه یه قدر نشر دین، رفع لوا ی سلطنت ایچون سعی و غیرت ایتك درجه لرینه قدر جیقار. فقط اسلامك بو حرکتی هیچ بروقت بر تجاوز شكندنه دكل در. اساساً دین اسلامده اكراه، یعنی اجبار ممنوع در. «لا اكراه فی الدین... لاینها ك الله عن الذین لم یقاتلوك فی الدین ولم یخرجوك من دياركم ان تبره و تمسكوا بهم ان الله یحب المقسطین».

درست:

دولت كلمه سی ایکی صورتله استعمال اولنور: بر كره بر مملكته حكم ایدن سلاله یه اطلاق اولنور. مثلاً امویه دولتی، عباسیه دولتی، عثمانی دولتی، ایران دولتی، روما دولتی کی.

برده حكومت و سلطنته اطلاق اولنور. مثلاً فرانسه دولتی دینیایرده بونكله فرانسلر ك كافة ممالكنه حكم ایدن حكومت حاضره سی